



Publicaziuns dalla vischnaunca, jamna 38

Damonda da baghegiar

2023-1028.001

Datum dalla publicaziun: 22 da settember 2023

Patrun: ipz ingenieure + planer ag
Via Lucmagn 7, 7180 Disentis/Mustér

Representant: ipz ingenieure + planer ag
Via Lucmagn 7, 7180 Disentis/Mustér

Intenziun: Adattaziun dil project: midada da diever, novas localitads da biro, nova entrada cun in tetg egl edifeci nr. 724, novas inscripziuns

Edifeci nr.: 724

Parcella: 852

Adressa: Via Sursilvana 11, 7180 Disentis/Mustér

Zona: Zona da habitar mischedada 3

Zona da prighel: Negina

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Cussegl da vischnaunca - Rapport dalla seduta dils 15 da settember 2023

Il cussegl da vischnaunca dat glich verda allas duas ovras solaras alpinas a Mustér

Venderdis, ils 15 da settember 2023 ha giu liug el Center Fontauna la 24avla seduta dil cussegl da vischnaunca dalla perioda d'uffeci 2021/2024. El center dalla seduta ein stadas las duas ovras solaras alpinas «Solar Alpin Disentis» e «l'Ovra Solara Magriel». Suenter ina viseta el Center Fontauna, il qual vegn momentan renovaus ed engrondius, ha il cussegl da vischnaunca concediu als dus projects fotovoltaics il consentiment per la realisaziun.

Il cussegl da vischnaunca ei il venderdis sera sut l'egida dalla **presidenta dil cussegl da vischnaunca Helga Probst-Linder** s'exprimius en favur dils dus projects fotovoltaics. D'ina vart ei quei la «Solar Alpin Disentis», la quala vegn a contonscher ina producziun entochen 45 uras gigawat ed effectuar cuosts d'investiziun da rodund 90 milliuns francs. La societad d'energia IWB ei responsabla pil project. Da l'autra vart «l'Ovra Solara Magriel», la quala producescha entochen 17 uras gigawat e cuosta rodund 40 milliuns francs. Quei stabiliment vegnan l'Axpo Solutions AG e las Pendicularas Mustér a realisar. Omisduas novas societads acziunaras che ston aunc vegnir fundadas han lur sedia ella vischnaunca da Mustér. Ina participaziun dalla vischnaunca da Mustér allas novas interpresas ei pusseivla. Il cussegl da vischnaunca ei cunzun sefatschentaus culs aspects technics, ils models d'indemnisaziun e la cuntrada. Suenter in'intensiva debatta davart ils projects ha il cussegl da vischnaunca concediu cun gronda maiortad il consentiment per la realisaziun dallas duas ovras solaras alpinas. Plinavon ha il cussegl da vischnaunca decidu da suttametter ils projects tenor art. 36 al. 2 dalla constituziun communal a la votaziun all'urna dils 22 d'october 2023. Arisguard quella votaziun vegn venderdis, ils 29 da settember 2023 ad haver liug in'occurrenza d'informaziun per la populaziun en Sala Peter Kaiser dalla Claustra Mustér.

Suprastonza communal



Sera d'informaziun publica per la populaziun

«Mustér muenta – l'impurtonza dil turissem e dall'innovaziun»

Venderdis, ils 29 da settember 2023, 19.30 – 21.30 en la Claustra Mustér, Peter Kaiser Saal.

Program:

- Beinvegner ed introducziun; René Epp, president communal Mustér
- Salid e cuort messadi; Martin Candinas, president Cussegl naziunal
- Stan actual project Center Fontauna; Clemens Berther, vicepresident communal Mustér
- cuorta informaziun project scola Segnas
- Informaziun project Solar Alpin Disentis; Representants IWB
- Informaziun project Ovra Solara Magriel; Representants Axpo
- Informaziun Sedrun Mustér Turissem; Silvio Schmid, president SMT e Informaziun projects ASS; menader projects Andermatt Sedrun Sport AG
- Presentaziun Vail Resorts, infos Epic-Pass; Mike Goar, Managing Director ASS, Ignaz Zopp, Head of Mountain Operations
- Informaziun ed agenda «Punt Pendent»; Christian Loretz, president la pendent. Svilup Penticularas Mustér; Marcus Weber, president

Suenter l'occurrenza publica ha liug in aperitiv per la populaziun.

Cordialmein envida

Suprastonza communal Disentis/Mustér

Annunzias per la fiera Sogn Martin

La fiera da Sogn Martin ha liug uonn gliendisdis, ils 13 da november 2023, naven dallas 8.00 entochen allas 17.00.

Annunzias per stans da fiera ein da far a scret ni per e-mail cul formular d'annunzia sut - www.disentis.ch > Downloads > Uffeci da baghegiar - entochen sil pli tard ils 29 da settember 2023.

Annunzias suenter il suranumnau termin san buca vegnir risguardadas.

Nus supplichein Vus da prender enconuschientscha e selegrein da Voss'annunzia.

Administraziun communal Disentis/Mustér

Empustaziun da lenna da brisch – furniziun d'atun

Fin october succeda la proxima furniziun collectiva da lenna da brisch fendida. Tgi che vul aunc empustar lenna da brisch fendida e profitar dil prezi da furniziun pauschal sa far quei cun squitschar ora il formular d'empustaziun sut www.disentis.ch/uaul e returnar tal en scret ni per e-mail agl uffeci forestal dalla vischnaunca da Mustér uaul@disentis.ch ni en scret alla administraziun communal.

Uffeci forestal Disentis/Mustér



Publicaziun officiala pils transports da neiv tecnica per la loipa Cadi

La cuminonza da maschinas forestalas Cadi (CMF Cadi) ha l'incumbensa d'organisar il menaschi e manteniment dalla loipa Cadi (Trun – Mustér). Per l'ennevaziun tecnica dils tschancuns Trun – Surrein ed a Mustér/Fontanivas vegn menau atras ina submissiun pils transports da neiv (camiuns ni tracturs). Pils tschancuns sin terren agricol vegn preferiu la varianta da tractur cun maschina da metter grascha. Ils documents d'offerir san vegnir retratgs per e-mail tier l'administraziun communal da Mustér cun s'annunziar sut admin@disentis.ch. Per sclarir damondas ha liug ils 5 d'october 2023 allas 14.00 in'orientaziun el plaunterren dalla casa communal a Mustér.

Cuminonza da maschinas forestalas Cadi
Simon Cathomen, meinafatschenta

Taxa da cumpensaziun da pumpiers 2023

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschientschae finescha alla fin digl onn ch'ins ha cumplenu il 45avel onn da naschientscha. Tgi che presta buca survetsch activ ha da pagar ina taxa da cumpensaziun.

Tenor art. 15 dalla lescha da pumpiers dalla vischnaunca da Mustér ein student(a)s ed emprendist(a)s entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents student(a)s ed emprendist(a)s sur 21 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **mardis, ils 3 d'october 2023** all'administraziun communal, caum postal 57, 7180 Disentis/Mustér ni per e-mail (rgnelin@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal

Rimnada da pupi

Venderdis, ils 6-10-2023

Preziadas convischinas, prezias convischins. La rimnada da pupi d'october ha liug sco usitau. Adatg! Ei vegn mo rimnau gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell. Nus rimnein buca cartun. Quel sa vegnir deponius a Raveras igl entir onn ora e buca duront la rimnada.

Bien engraziament per Vies agid e sustegn!

Nossa Scola populara Mustér, Ch. Berger



Biblioteca populara Disentis/Mustér e contuorn

«Buchstart» – Historias per affons pigns

Sonda, ils 23 da settember 2023 allas 9.30 – 10.00 per mummas ni babs cun affons pigns 1 entochen 4 onns.

Nus selegrein sin Vossa viseta.

Biblioteca populara Disentis/Mustér e contuorn

Allianza dil Center Cadi

La Allianza dil Center Cadi envida ad in'occurrència publica, sonda, ils 23 da settember 2023 allas 18.00 el Hotel Bogn Tenigia, vischnaunca Sumvitg.

Present: President dil Cussegl Naziunal e candidat per il Cussegl naziunal, Martin Candinas
Cusseglieir dils stans e candidat per il Cussegl dils stans, Stefan Engler

Program:

18:00 Investa Bogn Tenigia ed informaziuns dils investurs

19:00 Grillada - cun candidatas e candidats dall'Allianza dil Center Grischun

19:30 Martin Candinas, president Cussegl naziunal raquenta davart igl onn presidial

Cordialmein envida

Suprastonza AdC Cadi



Uniun da dunnas Mustér

Fiera da resti d'affons cun stiva da caffè

Nus prendein encunter bien, schuber ed entir resti dad unviern tochen grondezia 176, vestgadira da gravidonza, termagls, calzers, sezs d'autos e da meisa, crotschas, skis, capellinas eav. Dumnas che drovan ina nova numera, ni han damondas san prender si contact cun Isabel Sac, Tel. 076 501 76 51

Dar giu resti: Venderdis, ils 22 da settember 2023 dallas 16.30 entochen allas 17.00 en halla Cons, Mustér.

Adatg: per plascher mintga grondezia da resti separau en ina tastga!

Vendita: Venderdis, ils 22 da settember 2023 dallas 19.00 entochen allas 21.00 e sonda, ils 23 da settember 2023 dallas 9.00 entochen allas 10.30 en halla Cons, Mustér.

Retuorn dil resti buca vendiu e pagament (minus 20%): Sonda ils 23 da settember 2023 allas 12.30 entochen allas 12.45.

Per uorden che maunca savein nus surprender negina responsabladad.

Vegni e mirei, e forsa veis gie aunc gust da star in mument da cumpignia en nossa stiva da caffè!

Kinderkleiderbörse mit Kaffeestube

Wir nehmen gut erhaltene, saubere und ganze Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Skis, Helme usw. Frauen, welche eine Nummer brauchen oder Fragen haben, können mit Isabel Sac, Tel. 076 501 76 51 kontakt aufnehmen.

Annahme: Freitag, 22. September 2023 von 16.30 – 17 Uhr in der Turnhalle Cons, Disentis

Achtung: Bitte jede Kleidergrösse separat in eine Tasche!

Verkauf: Freitag, 22. September 2023 von 19–21 Uhr und Samstag, 23. September 2023 von 9–10.30 Uhr in der Turnhalle Cons, Disentis.

Auszahlung (abzüglich 20%) und Rückgabe: Samstag, 23. September 2023 von 12.30–12.45 Uhr.

Für fehlende Sachen können wir keine Haftung übernehmen.

Kommt und schaut und vielleicht bleibt danach noch ein wenig Zeit für unsere Kaffeestube!

Nus selegrein sin vossa viseta

Uniun da dunnas Disentis/ Mustér,
gruppa d'organisaziun fiara da resti

Uniun da gimnastica UGM

Invitaziun alla radunonza generala, venderdis ils 22 da settember 2023 allas 19.30 el Hotel Alpsu ed alla gimnastica da seniors e giuvens seniors, **gliendisdis, ils 25 da settember 2023** allas 20.00 el Center Fontauna.

Suenter la raduonza vegn offeriu l'usitada tscheina.

La suprastonza
